





John Carter Brown.







Not on Tennyson,
Ent. mss;
p. 90.

See letter of L. C. W. to
Wilburforce Tennyson
July 9, 1923.

See note in interlinear
JCB Catalogue.

C O P P I E
D E L A L E T T R E
E S C R I P T E


Par le R. P. Denys Jarnet, Commissaire
des PP. Recollez de Canada,


*A Monsieur de Rancé, grand Vicaire
de Pontoyse.*



COPY
DE LA
ESTATE

Extrait de la Description
des Eglises de la
ville de Paris





COPPIE DE LA LETTRE,

*Escripte par le R. P. Denys Jamet, Com-
missaire des PP. Recolestz de Canada.*

Pax Christi.

M

ONSIEVR,

Comme il n'y à rien qui
charme & agrée mieux
aux esprits genereux que
les hautes entreprises, auf-
si n'ayment ils personne
que ceux qui poussez de
mesme generosité, secon-

dent leurs volontez. vous sçaués, Monsieur, quel
est nostre dessein, ie le vous ay manifesté sans vous
rien cacher. Il est petit en son principe, mais si Dieu
y continuë ses benedictions, il sera sans doute grãd,
puisque Dieu vous à Imprimé en l'ame le desir de
bien faire en la nouvelle France, (comme vous fai-
cete tous les iours en l'ancienne) & de secōder ceux
qui pour l'amour de Dieu, & du salut des ames, quit-
tent la douceur de leur patrie pour s'establiir en vn
pays sauuage, & inculte afin qu'en cultiuant les ter-
res, l'on trouue moyen de cultiuer les ames. Ie ne
puis que ie ne vous honore, & que ie ne prie Dieu
cent & cent fois pour vostre prosperité, & santé, &
que ie ne vous escriue de nostre voyage & commēt
nos entreprises ont mieux reüssy que nous ne pen-
sions, en nostre partement, donc nous nous diuifa-

mes en deux bandes. Je partis le premier avec l'un de nos Freres appelle F. Bonaventure, dans le premier Navire qu'on nōme la Sallemande, nous sortismes du haure de Honfleur le Dimanche de la Passion, & arrivames le Samedi des Octaves de l'Ascension, dans le Port de Tadoussac, qui est un Port naturel ou ils ont accoustumē de retirer les Navires ce pendant qu'avec des Barques ils montent à mont la riviere pour traicter avec les sauvages. A nostre arriuee, nous sceumes que le Sieur du Pont Graue Cappitaine pour les Marchans dans l'habitation, avoit commence à nous faire bastir vne maison (laquelle depuis nostre arriuee nous auons fait acheuer) dont ie fus fort resiouy tant pour l'assiette du lieu, que de la beauré du bastimēt, le corps du Logis donc est fait de bonne & forte charpēte, & entre les grosses pieces vne muraille de huit & neuf poudres iusque à la couverture, sa longueur est de trente quatre pieds, sa largeur de vingt deux, il est à double estage: nous diuisions le bas en deux: de la moytié nous en faisons nostre Chapelle en attendant mieux: de l'autre vne belle grande Chambre, qui nous servira de Cuisine & ou logerons nos Gens: au second estage nous auons vne belle grande Chambre, puis quatre autres petites: dans deux desquelles que nous auons fait faire tant soit peu plus grandes que les autres, y a des cheminées pour retirer les malades, à ce qu'ils soyent seuls: la muraille est faite de bonne pierre, bon sable & meilleure chaux que celle qui se fait en France, au dessous est la Caue de vingt piedz en quarré, & sept de profond. Nous auons aussi fait faire trois Guarittes pour la deffence de nostre logis, vne de cinq piedz en quarré, dans le milieu du pignon qui

5
regarde le Septentrion, & deux autres de quatre
pieds aux deux coings de celuy qui regarde le Mi-
dy, nous ferons vne demy lune deuant nostre por-
te avec des boises fortes, afin qu'elle ne soit aisée
à attaquer, quant à l'assiette du lieu elle est des plus
belles du pays, car le fondz de la terre est tres-bon,
& sans pierre aucune, les arbres y sont clairs & pour
tant aisez à desferter, nous auons du costé du Sep-
tentrion la petite Riuiere, qui n'eantmoins n'est
pas petite, principalement quant la Mer est pleine,
mais elle se nomme ainsi en comparaison de la grā-
de, dans laquelle elle se va emboucher, nous auons
vn fossé du costé de l'Orient, & fort profond, & lar-
ge, vn autre du costé de l'Occident, dans lesquels y
à des Ruisseaux d'eau qui se vont presque rencon-
trer du costé du midy, il ne s'en fault pas plus de
cinquante piedz, si bien que nous sommes presque
comme dans vne Isle qui peult contenir trois ou
quatre Arpens tout le pays de ça & de-la la, Riui-
ere est de mesme façon de terre, nous auons aussi
la commodité des Prez le long de c'este petite Ri-
uiere, au bord de laquelle nous sommes bastis: ne
fault qu'arracher certaines brouissailles qui rompent
les faux quand on fauche, si bien que la nourriture du
Bostail nous sera fort aysée: nous auons amené vn
Asne & vne Anesse pour nostre commodité, nous
nourissons aussi des Pourceaux, vne couple d'Oyes
Masle & Femelle, sept paires de Volailles, quatre
paire de Canes. Quand aux Vaches & Cheures, nous
ne sommes pas en volonté d'en nourrir que l'Année
prochaine que nous serons mieux accommodez:
outre la Riuiere qui est fort poissonneuse & les fos-
sez, nous ferons faire quatre autre fossez de douze
pieds de l'arge en hault de six en bas & de huit de

profond, tant pour faire euacuer les eaux qui degouttent de tous costés dās nostre caue, que pour nous fortifier contre tous ennemys, Nous auons trois Maistres Charpentiers avec vn Maistre Mafson & son Filz, quatre autres hommes pour trauailler à la terre, & des viures pour les biē nourir vn An, au bout duquel si nous sommes assistés nous prendrons cinq ou six bons deserteurs qui ne cesserōt de deserter la terre, & esperons que dans deux ans nous pourrons nourir douze personnes sans rien mandier de la France, parceque nous aurons du grain suffisammēt pour faire du pain, & de la biere, & des Cochōs assés pour faire lard sās les autres viādes, que nous nourirons comme Poules, Oyes, Cheures, & Vaches, sans aussi l'abondance du Poisson qui se pesche es Riuieres, & l'abondance des Canards & Oyes sauage, qui viennent tout denāt nostre maison, depuis la fin d'Aoust iusques à la Toussaincts sans en fin l'Anguille que nous sallerōs au commencement de Septembre, & l'Elan que nous aurōs pour vn peu de pain des Sauuages, quant les Neiges seront grande, & autre mille petites commodités: toute sorte de legumage, d'herbages & racines viennent grandement bien, nous sommes esloignés enuiron vne petite demy lieue de l'habitation, la chaux se faict à cinq cens pas de nous, rien ne nous māque graces à Dieu, que moyē d'entretenir pour deux ans six ou huiēt bons Garçons pour trauailler à la terre, pour nous au bout de quelz nous pourrons entretenir des Familles sans beaucoup de fraiz, & aussi peu à peu peupler le pais & faire ce que nous pretēdons, sçauoir est vn seminaire pour y nourir & instruire les Enfans, des sauages, nous en aurīōs de si plus de six si nous auions


moyē de les nourir, se feroit vne belle amorce pour
 en prendre d'auantage, nous nous sommes conten-
 tez d'un leune Enfāt aagé de douze ans, lequel nous
 auons enuoyé en France par l'un de nos Peres qui
 le donnera à quelque personne pieuse pour le faire
 instruire. Je vous ecris clairement de tout afin que
 vostre pieuse volonté que vous auez aux Peuples de
 la nouvelle France, sçache & cognoisse qu'encore
 que nostre entreprise soit petite en son cōmencemēt,
 qu'elle est pourtāt pour deuenir grāde avec le tēps,
 si Dieu nous continue ses benedictions, & si nous
 sommes secondés des gens de bien le Sr. Guere
 (Commissionnaire de Monseigneur de Montmore-
 cy Vice-Roy de ce pays de la nouvelle France, por-
 teur de la presāte) vous dira de bouche ce que ie vo^s
 escrit, ie vous repete dōc dans la priere que ie vous
 fis estāt chez vo^s laquelle tēdoit à vous persuader de
 vous ioindre avec nous, vous ne ferez pas des moin-
 dres, ains le premier & chef de l'entreprise. Nous vous
 priōs d'accepter le tiltre & qualité de Syndic & pro-
 cureur du seminaire de Canada, & cependant qu'en
 France vous aurez le soin de nous amasser, nous se-
 rons en Canada à prudemment employer le tout,
 nous vous rescrirons tous les ans par des hommes
 dignes de foy, cōment le tout se passera, & ne croy-
 ez pas que ceste charge vous soit à peine pour ce
 que nous trouuerons assés de gens de bien qui ferōt
 tout ce que leur commanderez, pour nous seule-
 ment nous serions trop heureux si vn homme de
 merite comme vous prenoit la qualité de chef de
 l'entreprise de Canada, & croyons qu'à vostre exē-
 ple plusieurs se rangeroiēt de nostre part & ferions
 des merueilles deuant six ans: l'Année prochaine le
 Reuerend Pere Georges, retournera en France


pour nos affaires vous cognoistrés quel hōme c'est,
 ce qu'il peur, & l'esperance que nous auons de faire
 choses grandes, si des c'este Année vous nous vou-
 lez ayder & ioindre vos pieuses volontez avec les
 nostre vous vous adresserez à Monsieur Houel le-
 quel ledict Sr. Guera vous fera voir, nous restons
 trois Religieux Prestres à la nouuelle France, avec
 le F. Oblat que vous avez veu resolu de ne iamais
 abandonner ledict Pays, ains d'y faire ce que nous
 pourons pour le seruice de Dieu, du Roy, & du biē
 Public, ce qui nous releue le cœur est le bon com-
 mencement que nous voyons & l'aparence belle
 de faire de grands fruiçts, si le tout ne reüssit pour
 n'estre secondez nous ne laisserons pas d'auoir gloi-
 re deuant Dieu, & deuant les hommes, ie souhaite
 avec passiō que vous soyiez le premier participant
 de ce bien. Nottez s'il vous plaist Monsieur qu'il y
 à treize ans que l'habitatiō subsiste sans que iamais
 aucuns Estrangers & moins encore les Sauvages
 qui nous desirēt, & nous recoiuent à bras ouuerts
 ayent rien attenté a'encontre, en laquelle habitatiō
 nous auons semblablement vne maison & Chapel!e
 ou nos Peres ont faict depuis six ans & font tous les
 iours le seruice Diuin pour la consolatiō des Fran-
 çois qui sont en icelle, j'espere des lettres de vous
 l'année prochaine, qui m'apprenderōt vostre dernière
 resolutiō, ce pendant nous viurons en esperāce, que
 Dieu fera reüssir par vostre moyē c'est Auguste del-
 fein & offrirons à sa diuine misericorde iournelle-
 mēt nos prieres pour tous ceux qui y contribuerōt
 & particulieremēt pour vous à qui ie suis & feray
 toute ma vie,

MONSIEVR,

*Tres-humble & obeysant Seruiteur en Iesus,
 Denys Iamet, indigne Comissaire des Peres
 Recollez de Canada.*

De Quebec en la nouuelle France, le 15. d'Aoust 1620.





EAG20

J31h

F





